

Y Pwyllgor Busnes

Meeting Venue: **Swyddfa'r Llywydd, 4ydd Llawr, Tŷ Hywel**

Meeting date: **Dydd Mawrth, 24 Chwefror 2015**

Meeting time: **08.30 – 08.36**

Cynulliad
Cenedlaethol
Cymru

National
Assembly for
Wales



Minutes: Preifat

Committee Members:

Y Fonesig Rosemary Butler (Cadeirydd)
Paul Davies
Jane Hutt
Elin Jones
Aled Roberts

Committee Staff:

Aled Elwyn Jones (Clerc)

Others in attendance:

**Christopher Warner, Pennaeth Gwasanaeth y Pwyllgorau
Polisi a Deddfwriaeth**
**Siân Wilkins, Pennaeth Gwasanaeth y Siambr a
Phwyllgorau**
**Craig Stephenson, Cyfarwyddwr Dros Dro Gwasanaethau'r
Comisiwn**
Peter Greening, Llywodraeth Cymru

1 Ymddiheuriadau a chyhoeddiadau

Cafwyd ymddiheuriadau am absenoldeb gan y Dirprwy Lywydd.

2 Cofnodion y cyfarfod blaenorol

Nododd y Pwyllgor y cofnodion i'w cyhoeddi.

3 Trefn Busnes

3.1 Busnes yr Wythnos Hon

Cynhelir y Cyfnod Pleidleisio ddydd Mawrth ar ôl yr eitem olaf o fusnes. Cytunodd y Pwyllgor Busnes y dylid cynnal y Cyfnod Pleidleisio cyn y Ddadl Fer ddydd Mercher.

3.2 Amserlen Busnes y Llywodraeth ar gyfer y tair wythnos nesaf

Nododd y Pwyllgor Busnes Amserlen Busnes y Llywodraeth ar gyfer y tair wythnos nesaf.

3.3 Amserlen Busnes y Cynulliad ar gyfer y tair wythnos nesaf

Penderfynodd y Pwyllgor Busnes ar drefn y busnes a chytunodd i amserlennu'r eitemau a ganlyn:

Dydd Mercher 4 Mawrth 2015 –

- Cynnig i ddiwygio Rheol Sefydlog 30 mewn perthynas â hysbysu Biliau Senedd y DU (5 munud)

Dydd Mercher 18 Mawrth 2015

- Dadl gan Aelodau Unigol o dan Reol Sefydlog 11.21(iv) (60 munud)
- Amser a neilltuwyd i'r Ceidwadwyr Cymreig (60 munud)
- Amser a neilltuwyd i Ddemocratiaid Rhyddfrydol Cymru (60 munud)

4 Deddfwriaeth

4.1 Memorandwm Cydsyniad Deddfwriaethol Atodol (Memorandwm Rhif 4): Y Bil Troseddu Difrifol

Trafododd y Pwyllgor Busnes bapur gan y Llywodraeth ynghylch Memorandwm Cydsyniad Deddfwriaethol Atodol (Memorandwm Rhif 4) yn ymwneud â'r Bil Troseddu Difrifol.

Rhoddodd Gweinidog Busnes y Llywodraeth wybod i'r Pwyllgor fod y Bil yn agosáu at ddiwedd ei daith drwy'r Senedd. Oherwydd bod amser yn brin, cytunodd y Rheolwyr Busnes i nodi'r Memorandwm Cydsyniad Deddfwriaethol Atodol, ac na ddylid ei anfon at un o bwyllgorau'r Cynulliad ar gyfer gwaith craffu.

Gan fod nifer o Gynigion Cydsyniad Deddfwriaethol diweddar heb gael eu cyfeirio at Bwyllgor, ac o gofio eu harwyddocâd yn gyfansoddiadol ac o ran polisi, cytunodd y Rheolwyr Busnes y byddent yn y dyfodol yn ysgrifennu at y pwyllgor perthnasol i'w hysbysu bod Cynnig Cydsyniad Deddfwriaethol wedi cael ei osod, ond heb gael ei gyfeirio ar gyfer gwaith craffu gan bwyllgor. Yn yr achos hwn, bydd y Llywydd yn ysgrifennu at y Pwyllgor Cymunedau, Cydraddoldeb a Llywodraeth Leol ac yn anfon copi at y Pwyllgor Materion Cyfansoddiadol a Deddfwriaethol.

Nododd y Rheolwyr Busnes y bwriedir cynnal dadl ar y Cynnig Cydsyniad Deddfwriaethol mewn perthynas â'r ddarpariaeth hon yn y Cyfarfod Llawn ar 3 Mawrth 2015.

5 Y Rheolau Sefydlog

5.1 Diwygiadau arfaethedig i Reol Sefydlog 30: Hysbysu mewn perthynas â Biliau Senedd y DU

Trafododd a chymeradwyodd y Pwyllgor Busnes adroddiad drafft ar ddiwygio Rheol Sefydlog 30 mewn perthynas â hysbysu ynghylch Biliau Senedd y DU.

Cytunodd y Rheolwyr Busnes i gyflwyno cynnig i ddiwygio'r Rheolau Sefydlog, i'w ystyried gan y Cynulliad ddydd Mercher 4 Mawrth 2013.

Unrhyw Fater Arall

Dywedodd y Llywydd wrth y Rheolwyr Busnes fod Gweinidog Busnes y Llywodraeth wedi ysgrifennu at y Pwyllgor Plant, Pobl Ifanc ac Addysg ynghylch ystyried y mater o amddiffyn plant rhag cael eu curo ar sail cosb resymol. Nododd y Llywydd nad oedd y Gweinidog yn ysgrifennu ar ran y Pwyllgor Busnes.